

# جریدہ علمیہ

مشیت جلیلمہ اسلامیہ ناک جریدہ رسمیہ پیدر

ربیع الاول ۱۳۳۵

عدو: ۲۹

آیدہ بر نشر اول نور

اوپنچی سنہ

## قوانین عالی مقررات قضیه سی

دینار نام دیگر یککثر قضای محکمه شرعیه سندن اعطا اولنان ۲۷ شوال ۳۳۴  
تاریخی هجرت بوجه آتی نقض ایدلمشدر .

هجت مذکوره ده محرر اولدینی وجهله بشرط الیسع وقفده صحت بولمادینی و ثمن حقنده کی  
شرط مذکور دخی مزبورده نك افاده واقعه سنی حادثه ده وصیته قلب ایلدیکی حالدده منوال  
مشروح اوزره صحت ولزوم وقفه توقیع قلنان حکم مغایر اصول بولنش و اصول صك  
شرعیه توفیقاً تنظیم ایدلامش اولدیقندن شایان قبول اولمامقین بوصولده ایجاب حالک  
ایفاسی ضمننده قضاء مذکور محکمه سنه اعاده اولندی .

★  
★ ★

نازلی قضای محکمه شرعیه سندن معطی ۷ ذی الحجه ۳۳۴ تاریخی اعلام بوجه  
آتی نقض ایدلمشدر .

مهری مطابق ایسه ده متوفای مزبورک دینه مقابل اعطا ایلدیکی مدعینک تحت  
اعترافده بولنان اوتوز قیه زیتون یاغنک حین اعطاده فیاتی تعیین ایلدیکی مفهم اوله -  
مدیقندن حادثه ده مذکور یاغلرک مثلی مدعی علیه مزبورک ترکیه تأدیه ایتسی مقتضی  
ایکن بوجه محرر تقاص حقنده اجرا ایدیلان معامله نك استقامتی غیر ظاهر اولدینی کی  
یمین استظهارده مبلغ مدعاهک بشقه کیسه سه طرفندن ایفا اولمادینی فقره سی نقصان  
براقلمش اولدیقندن سبکی نقصان و خللدن غیر خالی ایدوکی .

★  
★ ★

بالیکسر سنجانلی محکمه شرعیه سندن معطی ۱۴ ربیع الاول ۳۳۴ تاریخی اعلام  
بوجه آتی نقض ایدلمشدر .

اعلام مذکورده مدعاه قره جه تخمی حقنده مدعی مزبورده طوطینک استجوابنه  
واون دنک توتونه متدائر محاکمه اجراسنه وزوجه نامنه اوله رق اثناء تقسیمده حاضر  
وتسویه دیون بابنده امر موافقتی منضم بولندیکی کوسه تریلان مرقوم بصیرینک حادثه ده

صفت شرعیه سنک نهدن عبارت اولدیغه و متوفای مرقومک وراثتی کیملره منحصر اولدیغنک بیاننه تعرض ایدلمدیکی کبی مفاد اعلام رکیک و مشوش و توقیع قلزان حکم اعوجاجدن غیر سالم بولمیش اولدیغندن وجهت سائرهدن قبوله شایان اولمادیغنی .



قونیه ولایتی محکمه شرعیه سندن معطی ۲۳ ربیع الاول ۳۳۴ تاریخلی اعلام بروجہ آتی نقض ایدلمشدر .

اعلام مذکورده واقف مشارالیهک سکسان اوچ تاریخلی اصل وفقیه سننده کی مسقفاتدن بشقه اوله رق مسقفات عدیدهک و قفیتی وجهت اخرایه مشروطیتی ناطق اولسنه نظراً اصل وقفده کی مسقفات ایله اوقاف متأخرهک نهدن عبارت اولدیغنی تعیین و مسقفات اخیره غلاتی تفریق ایدیله رک تناسبک آنجق اصل مسقفات غله سیله منازع فیہ حسابک ایجاری بیننده اجراسی اقتضا ایدرکن بو جهتہ مراعات اولمدیغندن بر منوال مشروح اجرا ایدیلان حسابک استقامتی غیر منفهم بولمیش اولغله سبکی نقصان و خللدن غیر خالی ایدوکی .



قره مان قضاسی محکمه شرعیه سندن معطی ۲۶ ربیع الآخر ۳۳۴ تاریخلی اعلام بروجہ آتی نقض ایدلمشدر .

مهری مطابق ایسه ده مدعی علیهما مزبور تانک ذاتلری بر نهیج شرعی تعریف اولندیغه و شهادتده متوفای اول مزبور رمضانک باباسی و متوفیان مزبور تانک دده لری اسمارینک ذکرینه و یاغیریدن تمیز حاصل اوله حق و صفارینک بیاننه تعرض اولمادیغنی کبی مبلغ مدفابه مذکور اساساً متوفای اولک دینی اولسنه نظراً یمین استظهارک متوفای اول و ثانی مزبور اندن بر وجهله استیفا ایتدیکنه و ایتدیرمدیکنه الخ طرزنده اجراسی مقتضی و اعلامده کی شکل یمین ناقص و متوفای ثانی مزبورک بالتواتر اخذ ایتدیکی حکایه

اولنان متوفای اول مزبورك تركه سنك مقداری كوسترلديكي جهته مبلغ مدعا به مذكوره وافيه بولنديني غير منفهم بولنش اولغله سبكي نقصان و خللدن خالی اولمادي .

★  
★ ★

كوردوس قضاسي محكمه شرعيه سندن معطی ۳ جمادی الاولى ۳۳۴ تاريخی اعلام بروجہ آتی نقض ایدلشد .

اعلام مذكوره مدعا بها هبه نك متوفاة مزبوره نك حال صحته اولديغنه و وصيته متدائر اولان دفع مذكور حقه شاهد آخر اقامه سندن مدعی علیه وکیل مزبورك اظهار عجز ايتديكنه تعرض اولماديني كهي مدعيه وصيه مزبوره نك بروجہ محرر اجرای تحلیفی نایمحل و متوفاة مزبوره طرفندن صرف ایدلديكي ادعا ایدیلان بش لیرادن دخي حصه تسليميله توقيع قلنان حككم مداری مفقود اولديغندن سبكي نقصان و خللدن غير خالی ایدوكي .

★  
★ ★

بولی سنجاغی محكمه شرعيه سندن معطی ۱۶ جمادی الاخره ۱۳۳۴ تاريخی اعلام بروجہ آتی نقض ایدلشد .

مهری مطابق ايسه ده حادثه ده اوصاف لازمه شرعيه ده مدعيه مزبوره نك مائله سی بولنان صراه معينه نك مهر مساسنی اثبات و مهر مثلی مقدارنده يمينيله تصديق اولنقى ايجاب ايدر ايكن بوجهت نظر دقه التامش اولديغندن سبكي مختل ایدوكي .

★  
★ ★

نابلس سنجاغی محكمه شرعيه سندن معطی ۲۴ جمادی الاخره ۳۳۴ تاريخی اعلام بروجہ آتی نقض ایدلشد .

اعلام مذكوره قاصر علينده حكمی محتوی اولسند نطولايي كذران مدتله اكتساب قطيع ايدميه جكي دركار بولسان اعلام محكي مذكورك لدى التميز اصولی وجهله تصديقه اقترانی غير منفهم اولغله برابر عقارات مدعا بهاء مذكوره ني متوفانك تاويخ

اقراردن صکره تملک ایلدیکی حقنده مدعیه وکیلنک درمیان ایلدیکی دفعنه التفات اولنماسنک و وکیل مزبورک افاداتی بینه تناقض بولنمسنک و توفیق صددنده سردایلدیکی افاده اخیرهنک نظره النامسنک وجهلری غیر ظاهر اولدیغندن سبکی مختل اولدینی .

★  
★ ★

سیلوری قضاسی محکمه شرعیهنندن معطی ۲۶ جمادی الاخره ۳۳۴ تاریخلی اعلام بروجہ آتی نقض ایدلشددر .

مهری مطابق ایسهده دعوی و شهادت مذکوره لرده غائب مزبورک عروض و عقاری و مدیون و یامودعی یدنده مالی و غائبه رجوع ایتمک اوزره مزبوره یه اقراض نفقه ایدنه چک کیمسه بولندیغنه تعرض ایدلماش اولدینی کبی حادثهده مزبوره نک محل طاعتنده قائمه اولوب ناشزه اولندیغنه دخی تحلیفی مقتضی و بروجہ محرر اجرا ایدیلان تحلیف ناقص و شاهدلرک بعدالاستشهاد اشهد مفادیلہ اداء شهادت ایدوب غائب مزبوری غیریدن تمیز ایتدکلی غیر منفهم اولمغله سبکی مختل اولوب خصوص مباحوث حقنده سلوری قاضیلکنندن معطی و فتواخانه دن مقدا منقوض بولنان ملفوف اعلام ایله اشبو اعلامک تاریخاً اتحادی دخی موجب تشویش اولدیغندن شایان قبول اولمادینی .

★  
★ ★

ادرنه ولایتی مرکز محکمه شرعیهنندن معطی ۶ رجب ۳۳۴ تاریخلی اعلام بروجہ آتی نقض ایدلشددر .

اعلام مذکورهده مبرز سندده کی مهرک کاتب عدل دفترنده مطبوع مهره مطابق تظاهر ایتدیکی تقدیرده مدعابه اقرارک صحت وقوعنه اماره اوله بیله چکی نظر دفته آله رق اعلام متقدم مبحوئده استماع ایلدیکی وجهله اقرارده دائر اقامه ایدیله چک بینه نک علی الاصول استماعیلہ تبین ایدنه چک حاله کوره مقتضای شرعیسنک ایفاسی ایجاب ایدر ایکن منوال مشروح اوزره اجرا ایدیلان محاکمه نک وجهی و توقیع قنسان حکمک صحفی غیرظاهر بولندیغندن قبوله شایان اولمادینی .

★  
★ ★

نازلی قضاسی محکمه شرعیه سندن معطی ۱۴ رجب ۳۳۴ تاریخلی اعلام بروجہ آتی  
مقیداً تصدیق ایدلمشدر .

اعلام مذکورک نتیجہ مالی منع وتنبیه مذکورلر حقنده اصولنه موافق اولوب صورت  
اشعاره نظراً مرتہن یدنده بولنان حلیات مذکورہ نک اعیانی حقنده کی دعوانک بلا  
حضور المرتہن استماع وامثالک تسلیمیلہ مدعی علیہ مرقومک الزام ایدلمسک وجهی  
غیرظاہر اولدیغنه ولایحه مندرجاتنه نظراً تدقیقات شرعیہ یه تودیع قلندی .

★  
★ ★

بیفا قضاسی محکمه شرعیه سندن معطی ۲۵ رجب ۳۳۴ تاریخلی اعلام بروجہ آتی  
نقض ایدلمشدر .

مهری مطابق ایسده تصحیح مسئله واعطای سهام غیرمستقیم اولدینی کی حادثہ  
مائله اولان مرأه نک اسمی ذکر اولنہ رق مدعیہ نک مرقوم ابنه مائل اقوامدن هانکی  
طائلیه منسوبیتی و اوصاف لازمه شرعیہ مائلتی بیان ایدیلہ رک مهرسماسی دعوی و بروجہ  
شرعی اثبات و اولوجهله مقیاس اتخاذ اولنق مقتضی و بروجہ محرر استماع اولنان شہادت  
غیر کافی واجرا قلنان یمین استظهار دخی مجله نک مادہ مخصوصہ سنہ غیر موافق بولنش  
اولدیغندن سبکی نقصان و خللدن غیر خالی ایدوکی .

★  
★ ★

برغمه قضاسی محکمه شرعیه سندن معطی ۱۰ شعبان ۳۳۴ تاریخلی اعلام بروجہ آتی  
مقیداً تصدیق ایدلمشدر .

اعلام مذکورک نتیجہ مالی عزل مذکور حقنده اصولنه موافق اولوب آنحق  
بروجہ محرر عقد اولنان ایجار استهلاك عین اوزرینہ واقع اولدینی جهتله شرما غیر صحیح  
وحادثہ مدعی علیہ مزبورک سنہ مذکورہ محصولی تضمین ایتسی مقتضی اولدیغندن  
مبالغہ مذکور ایله توقیع قلنان حکم مقایر اصول اولدیغنه ولایحه مذکورہ مندرجاتنه  
نظراً ایفای مقتضاسی ضمنده مجلس تدقیقات شرعیہ یه تودیع قلندی .

★  
★ ★

بالیکسر سنجاعی محکمه شرعیه سندن معطی ۲۶ شعبان ۳۳۴ تاریخلی اعلام بروجہ آتی  
نقض ایدلمشدر .

اعلام مذکورده شاهدان مزبورانک شہادت مضبوطہ لرندن متوفای مرقوم مدعا بہ  
خانہ نک نصفی بالتعین مدعا علیہای مزبورہ بہ وجہ محرراوزرہ بیع ایش اولدینی منہم  
اولدینی جہتہ حادثہ دہ طلب ایدیلان قسمتک خانہ نک نصف دیگرینہ قصری مقتضی بولنش  
ایکن حصہ میبہ مذکورہ نک دخی داخل قسمت ایدیلہ رک بروجہ محرر اجرا ایدیلان  
تقسیمک وجہی مزبورہ حمیدہ نک دیگر نصفہ کی حصہ ارثیہ سنہ نظرا قسمت واقعہ نک  
اصول مشروعیہ موافقتی عیرظاہر اولمقلہ سبکی مختل وتوقع قلنان اقتضا تشویش  
واعوجاجدن غیرسالم ایدوکی .

\*  
\* \*

بالیکسر سنجاعی محکمه شرعیہ سندن معطی ۲۶ شعبان ۳۳۴ تاریخلی اعلام  
بروجہ آتی نقض اولنمشدر .

مہری مطابق ایسہدہ انحصار وراثتک بالینہ ثبوتہ ودعوی وشہادتہ مذکور  
اون عدد بارکیردن مبیع وموہوب اولانلرینک وجہ لایقیلہ تفریق وتعیینہ وبیع وہبہ نک  
صحت ویا مرضدہ وقوعنک بیانہ تعرض ایدلمدیکندن دعوی مذکورہ محتاج توضیح  
وتصحیح وشہادت دخی بومرتبہ ایلہ مدار اتخاذینہ غیر صالح بولنش ویورغان بدلندہ  
آلندینی افادہ اولنان مذکور اینکک متوفی ویا مدعی علیہای مزبورہ طرفلرندن اشترا  
اولندینی استیضاح ایدلامش ویتوفایہ عائد اوکوز ایلہ مدعا علیہانک نتاجامالی اولدینی ادا  
ایلدیکی اوکوز تعین و تمیز اولنلامش وزوجنہ صالح اولان یابنی وطاوق ودیوار ساعتی حقندہ  
طلب ینہ واجرای تحلیف معکوس بولنش اولمقلہ وسائر وجوہلہ سبکی مختل ونقصان  
وخللدن غیر خالی ایدوکی .

\*  
\* \*

بالیکسر سنجاعی محکمه شرعیہ سندن معطی ۲۷ شعبان ۳۳۴ تاریخلی اعلام  
بروجہ آتی نقض ایدلمشدر .

اعلام مذکورده مدعی علیہ مزبورک متواری ویا متعزز ومتغلب اولدینہ تعرض

اولمديغندن مجرد محكمه يه عدم حضورند نطولاي ناكل عدی وبروجه محرر مدعيه به رد يمين ايله حکم توقيعی قول مأخوذ مبحوئه غير ملائم اولديغی کي مدعا به اوليان ايکی رأس مانده اينکلرينك دخی مزبوریه تسلیميله الزامك وجهی غير ظاهر اولديغندن سبکی مختل اولديغی

★  
★ ★

زونفولداق قضاسی محكمه شرعيه سندن معطی سلخ شعبان ۳۳۴ تاريخی اعلام بروجه آتی نقض ايدلمشدر .

اعلام مذ کورده مدعی متولی مزبورك افاده اخيره سنه نظراً رأس الماله تحویل ايديلان مبالغ میاننه سکنز آيلق غير ملازم گذشته اوله رق اوچيوز اوتوز غروشك دخی ادخال ايدلديکی منقهم بولمیشکن تفريق ايديله رك تحت حکمه النمش اولمسنك ومدعی عليه مرقومك فضله تسليمات ادعاسنه التفات ايدلامسنك وجهی غير ظاهر اولديغندن سبکی مختل اولديغی .

★  
★ ★

بفداد ولايتی مرکز محكمه شرعيه سندن معطی ۱۰ رمضان ۳۳۴ تاريخی اعلام بروجه آتی نقض ايدلمشدر .

اعلام مذ کورده مذ کور بفچه نك وقفیتی محکی واوراق میاننده ملفوف مصدق اعلام ايله مثبت بولمسنه ومدعی عليه وکیل مزبورك بو خصوصه دائر اولان افاده سی وقفیتی انکاردن عبارت اولوب دفع شرعی ماهيتی غيرحائز اولسنه نظراً اعلام مذکورك مدار اتخاذينه غير صالح تلقی ايدلمسنك وجهی غيرظاهر وحادثه ده مذکور قیونك موقوف بفچه حدودی داخلنده اولوب اولماديني كشف و معاینه ايديله رك اولوجهله محاکمه اجراسی وتبين ايدمك حاله کوره قیو وطولومبا حقنده حکم توقيعی مقتضی بولمیش اولغله توقيع قلنان منع معارضه حکمی مغایر اصول اولديغی .

★  
★ ★

تیره قضاسی محكمه شرعيه سندن معطی ۱۵ شوال ۳۳۴ تاريخی حجت بروجه آتی نقض ايدلمشدر .

حجت مذ کورده مزبور صبرينك اون برياشنده اولديغی کوسترلش اولمسنه نظراً

والده سی مزبورہ نك حادثہ ده خصوصتک رأینہ و مزبورہ نك معسرہ اولدیفنه تعرض اولنماغله برابر استماع قلنان مخبران مزبورانك مرتبہ مذکورہ ایله اخبارلری غیر کافی و صورت اشعاردن مزبور صبرینك محمد افندی نامندہ بشقه لاب برادری بولندینی منقہم بولنمش اولنغله سبکی نقصان و خللدن خالی اولدینی .



حلب ولایتی مرکز محکمہ شرعیہ سندن معطی ۱۸ شوال ۳۳۴ تاریخلی اعلام بروجہ آتی نقض ایدلمشدر .

اعلام مذکورده بروجہ محرر تردید ایله حکم توقیعی خلاف اصول اولنغله برابر اشیاء مدعاہاء مذکورہ نك قیمتلری دعواده محرر مقداره بالغ اولدیفنك وجه تحقیقی نہدن عبارت اولدیفنه تعرض اولنماش ورهن مذکور حقندہ بلا حضور المرتہن اجرا ایدیلان محاکمہ استقامت اولدینی کبی مدعا علیہما مزبورانك اولبابدہ کی اقرارلری کندی حصہلری مقداریلہ الزاملری ایجاب ایلدیکی حالده بوجہت دخی نظر دقتہ آلمہرق مجموع دینك ترکہ دن تسویہ سیلہ تخلیص سوارہ یہ توقیع حکم ایدلمش اولدیفندن سبکی مختل ایدوکی .



سندقلی قضاسی محکمہ شرعیہ سندن معطی ۵ ذی القعدہ ۳۳۴ تاریخلی حجت بروجہ آتی مقیداً تصدیق ایدلمشدر .

حجت مذکورہ نك نتیجہ مالی بروجہ محرر نفقه تقدیریلہ استدانه یہ اذن ویرلدیکی بیانندن عبارت اولوب آنجق منوال مشروح اوزره غیاباً اجرت حضانه تقدیرینك وجهی غیر ظاہر ایدوکنہ ولایحہ مذکورہ مندرجاتنہ نظراً ایفای مقتضاسی ضمنندہ مجلس تدقیقات شرعیہ یہ تودیع قلندی .



حما سنجاغی محکمہ شرعیہ سندن معطی ۱۷ ذی القعدہ ۳۳۴ تاریخلی اعلام بروجہ آتی نقض ایدلمشدر .

اعلام مذکورده مدعی مرقومك وقف مذکور متولیسندن وغلہ وقفدن وظیفہ

تدریسیه-فی مطالبه ایلسی مقتضی بولنشیکن متولی سابق متوفای مزبورک ورثه سنه وجه محرر اوزره خصومت توجیهله تصدی ایلدیککی دعوانک استماعی وترکیه بالاضافه حکم توقیفنک وجهی غیرظاهر اولغله شایان قبول اولمادینی .

★ ★

قره مرسل قضاسی محکمه شرعیه سندن معطی ۱۸ ذی القعدة ۳۳۴ تاریخلی اعلام بوجه آتی نقض ایدلشددر .

اعلام مذکورده صورت اشعاره نظراً مدعی مزبور محکی حجتک خلاف حقیقت ومضنع اولدیفنی بالادعا منزل مذکورک وقفیتی اساسندن منکر بولنش اولغله حادثهده هجت مذکورک تعلیمات سنیهده محرر شروط وقیودی جامع اوله رق تنظیم ایلدیککی واولوجهله تزویر وتصنیعدن سالم اولدینی تحقق ایلدیککی صورتده مدعی مزبورک معارضه سی منع اولنق ایجاب ایدر ایکن بوجه محرر اجرا اولنان محاکمه ویمینک وتوقیع قلنان حکمک صحت واستقامتی غیر ظاهر وفقره حکمیه تشویش واعوجاجدن غیر سالم بولنش اولغله شایان قبول اولمادینی

★ ★

اشمه قضاسی محکمه شرعیه سندن معطی ۱۹ ذی القعدة ۳۳۴ تاریخلی اعلام بوجه آتی نقض ایدلشددر .

مهری مطابق ایسهده زوجک جنتدن طولای نکاحک فسخنده ارانلسی ایجاب ایدن قیود وشروط شرعیه نک علی الاصول مرتبه تحققه ایصال ایلدیککی منقهم اوله مدیفندن سبکی مختل ایدوکی .

★ ★

کوزلحصار آیدین سنجاغی محکمه شرعیه سندن معطی ۱۲ ذی القعدة ۳۳۴ تاریخلی اعلام بوجه آتی مقیداً تصدیق اولنشددر .

اعلام مذکورک نتیجه مالی بیع مذکور مدعیه نک اذننه مستند ویا شرائط اجازت موجوده ایکن مؤخرأ اجازتی ملتحق ویا ثمن مبلغ مذکور میبعات مذکورک یوم بیعهده کی قیمتارینه مساوی بولنش ایسه الزام مذکور حقنده اصوله موافقدر .

★ ★

ازمیر ولایتی محکمه شرعیه سندن معطی ۱۹ ذی القعدة ۳۳۴ تاریخلی اعلام  
بروجه آتی نقض ایدلشدرد .

مهری مطابق ایسده مدعا به تحویلک آنجق نصفی متوفای مزبورک مالی اولدینی  
ثابت اولسی اوزرینه نصف تحویلدن صغیره مزبوره عاڈ یدی سهمک وصیسی مزبوره  
تسلیمه حکم توقیعی ایجاب ایدر ایکن تحویل مذکورک بیعیله نصفندن صغیره مزبوره  
حصه سنک وصیه مزبوره تسلیمه وبلا سبق دعوی زوجه حصه سنک دخی اداسنه متدائر  
وجه محرر اوزره توقیع قلنان حکمک وجهی غیر ظاهر وبو جهتک علی الاصول اصلاحی  
مقتضی ایدوکی

★ ★

بروسه ولایتی محکمه شرعیه سندن معطی ۲۴ ذی القعدة ۳۳۲ تاریخلی اعلام  
بروجه آتی نقض ایدلشدرد .

اعلام مذکورده مدعی مزبور ایله والدهسی حاضره مزبوره نک مذکور خانه به  
وضع یدلرینک ثبوتی کوسترلمکده ایسده اخیر آداخل دعوی اولان وکیل مرقوم مذکور  
خانه نی موکلنک بعد الشراء وجه محرر اوزره تعمیر وابنه انشاسیله تصرف ایلدیکنی  
ادعا و افاده ایتیش اولمسنه نظر آیدک مشتری موکل مرقومه عاڈ ومدعیلرک حال حاضرده کی  
یدلرینک محدث و غیر معتبر اوله جفی ملحوظ بولندیقندن حادثه اول امرده بو جهتک  
وجه لایقیله تعیین وید حقیقینک تبییندنصکره دعوای وراثت و شرانک برنهیج شرع عالی  
رؤیت وفصلی مقتضی و طرفین عاقدین بینده متحدث اولمادینی جهتله ممنوعیت مباحوث  
عنهان خارج اولوب علی الاصول استماع وتدقیق ایجاب ایدن شرا دعواسنک ردیه بر  
منوال مشروح توقیع قلنان منع معارضه حکمنده صحت واستقامت غیرمنفهم بولمش  
اولمغله قبوله شایان اولمادینی .

★ ★

اردک قضای محکمه شرعیه سندن معطی ۲۶ ذی القعدة ۳۳۴ تاریخلی اعلام  
بروجه آتی نقض ایدلشدرد .

اعلام مذکورده مدعیه مزبوره اوچوز التمش غروش قیمتلی اشیاء محرره مذکور نک

مهر معجل اوله رق بیان ایلدیکی جهته حاده ده معجلات مذکوره نك قیمتلی  
دعوايه صلاحیتی غیر منقسم و شاهدلرک شهادتلی دعواي مذکوره به مخالف وغروش  
اوزینه بروجہ محرر اجرا اولنان یمن استظهار غیر مستقیم اولدینی کبی شکل و صورت  
تحلیف دخی مجله نك ماده مخصوصه سنه توفیق ایدلماش اولدیقندن شایان قبول اولمادینی .



بالیکسر سنجانی محکمه شرعیه سندن معطی ۲۹ ذی القعده ۳۳۴ تاریخلی اعلام  
بروجه اتی نقض ایدلشدر .

اعلام مذکوره مدعیه مزبورہ البسه لرینک اولا بر طاقم ثانی اوج طاقم اولدینی ادعا  
و بولردن بر طاقنی قبض ایلدیکنی افاده ایلدیکی حالده بوجهتک استیضاحه و مدعا بهالردن او طه  
دوشمه سنک کندي حقنده دعوی و محاکمه سبق ایتیمان کلیمدن عبارت اولدینی نه ایله  
تحقق ایتدیکنه تعرض ایدلدیکی کبی متوفای مرقومک انحصار و راتی کوسترلمدیکندن  
مهر مؤجل مذکورک تمامیه مدعی علیه مرقومک الزام ایدلسنک وجهی غیر ظاهر اولدیقندن  
سبکی نقصان و خللدن خالی اولمادینی .



اینه کول قضاسی محکمه شرعیه سندن معطی غره ذی الحجه ۳۳۴ تاریخلی اعلام  
بروجه اتی نقض ایدلشدر .

اعلام مذکوره بلا اذن صائلش اولان مع طای مذکور بارکیرک ثنی ایله قیمتی  
مساوی و ساعتک بروجہ ادعا کوش و تجربه لرک بیوک اولدیقنک مدعا عیاه مزبورہ نك  
تحت تصدیق و اعترافده بولندینی منقسم اوله مدیقندن اولوجهله توقیع قلنان حکمک  
مداری مفقود و قوزہ نك مثلی منقطع اولدینی غیر مبین و مدعا به دوک نك سنی حقنده کی  
افاده مشوش و دوک ایله قیمایدن بولنان مذکور صابونک قیمتی غیر معین بولنش و انحصار  
وراتی اخبار ایدن هیئت اختیاریه نك اسم و شهرتلی اعلامده غیر مندرج اولقله برابر  
اشهد مفادیه ادای شهادت ایتدکیرینه و سرأ و علناً تزکیه لرینک اجرا اولدیفنه و شاهدلر  
متوفای مرقومک بابا و ده ده سی اسمارینی ذکر و یا غیریدن تمیز حاصل اوله حق وصفی  
بیان ایلدکیرینه تعرض ایدلماش اولدیقندن سبکی نقصان و خللدن غیر خالی اولدینی .



بی صعب قضاسی محکمه شرعیہ سندن معطی ۳ ذی الحجہ ۳۳۴ تاریخلی اعلام بروجه  
آتی نقض ایدلمشدر .

اعلام مذکورده مدعابه بیت ومشمولات سائرده کی حصه سنی مبلغ مذکور مقابلنده  
معترض مرقومک باباسی متوفای مرقومه وجه محرر اوزره بیع ایدلمشکنی معترض علیهای  
مزبورده بعدالاقرار ثمنی قبض ایتدیکنی افاده ایتمش اولسنه وعقد مبايعه بی ناطق اوله رق  
ابراز ایدیلان سند مذکور صحت وقوع اقراری مؤیداماره اوله بیله جکسه نظراً حادثه ده  
آنحق ثمنک مقبوض اولوب اولمديغنگ بر نهج شرعی تدقیقی ایجاب ایدرکن بیع حقنده  
دخی بینه طلب ایدلمسنگ وشهود مرقومه شهادتترینک شایان قبول تلقی ایدلامسنگ  
وجهلری غیرظاهر و بیعک معتبر اولمديغنه حکم توقیعی مغایر اصول بولنش اولمغله سبکی  
مختل اولدینی .

\*  
\* \*

برغمه قضاسی محکمه شرعیہ سندن معطی ۶ ذی الحجہ ۳۳۲ تاریخلی اعلام بروجه  
آتی نقض ایدلمشدر .

اعلام مذکورده اول و آخر جریان ایتمش اولان محاکماتدن وقف مذکور  
تولیتک بطن اوله عائدیتی وعندالتساوی اشتراک توجیهی متعامل و طرفینک تحت  
تصدیقنده بولندینی ومدعیه مزبورده نک جدی متولی متوفای مزبور علی ایله شخص  
ثالث موکل مزبور عزیز افندیگنک جده سی متوفاه مزبورده فاطمه بر درجه ده بولنه رق  
حیاتلرنده انصافاً جهت مذکورده بی ضبط وقصر ایدلکبری وشو حالده متوفیان مزبورانک  
حفیدلری بولنان طرفین متداعینک دخی درجه ده تساویلری روش اشعاردن منقهم  
بولنسنه نظراً تولیت مباحوث عنانک متداعیان مزبورانه نصیفت اوزره توجیهی ایجاب  
ایدر ایکن بر منوال مشروح توقیع قلنان منع معارضه حکمنک استقامتیه تولیتک  
مستقلاً موکل مزبورده توجیه ایدلمسنگ وحادثه حاثرتأثیر اولمیان ۳۱ تاریخلی محکی اعلامک  
بروجه محرر مبنای حکم اتخاذ اولنسنک وجهلری غیرظاهر اولدیفندن قبوله شایان اولماینی .

